

Māmas rēiškotēs

Pavasārē žīdiejē mē ka pasēklīsto,
Ēr nerondo kas kart vēs skaudiau tavēs,
Sovērp atmintēis srauni opelē
Ēr kāp leduonešie vondou
Ožtvinda šērdi praeitēs vaiski.
Pražīst ākis, čiolb mēslēs,
Gēid dūšē – Mama,
Atsēmēno mumis gluostiosēs,
Šēltas ronkas, šiorķštuokas rēiškotēs, –
Anuos vēsomet kvepiejē douna, pēino,
Medo ēr žēdēnē lēipsna...
Ēr vēsas mūsa mēnkas biedas
Tērptē ēštērp dava tarp anū.
Vuo šēndēin baisē daug aukuočiau,
Ēr dēdēlē daug atēdoučiuo, Mama,
Jegu nuors akēmērka apēntās,
Galiečiau viel noskēstē tava rēiškoties...
Vuo monuojī Mama...